



## Taropwen Kisikisin Mumuta

**May 25, 2021**

Fan nurun ewe onnukun Oregon, ekkewe kukkun 15 ier me nap seni mei tongeni pwisin wanong ar mumuta ngeni ar repwe safei, pachenong oppos, epwe kawor seni dokter, chon anisi dokter, naturopath, kangof, chon aisa ika dokterin ngingi, ika pwan ekkoch pekin seni ekkewe ir mei license, nge esapw pwan wor angei mwumwutan meren sam me iin ika chon tumunur. (ORS 109.640)

Non ei fansoun, ewe chok opposun eppetin COVID-19 mine mei katou non atapwanapwan fan iten aramas ierir mei kisi seni 18 ier repwe angei ewe oppos itan Pfizer. Ewe opposun eppet itan Pfizer mei punguno pwe repwe tongeni aea ngeni ekkewe 12 ier feita. Napengeni neni mei uwau opposun eppetin COVID-19 mei wor emon dokter mei kawor fan iten aninis mei nom itan won ewe taropwe, iwe ekkewe ier kukkun seni 15 me watte seni ra tongeni mwutata ar repwe angei ewe opposun eppet.

Ewe Oregon Health Authority mei aucheani an ekkewe kukkun puung ren ier 15 me nap seni ren ar pwisin finata ar repwe angei ewe opposun eppetin COVID-19 nge esapw pwan wor angei mwumwutan meren sam me inn.

OHA ese mwutata an ekkewe chon uwau opposun eppet mei tetenitiw me asan, ika pwan ion mei mwokutukut fan nurun ewe license ika fan an ewe chon uwau oppos omwokut, ren ar resapw pwan angei mwumwutan meren sam me inn ren ekekwe kukkun ier 15 ika nap seni, ika pwe ii ewe aramas mei pusin anganga an iwe pwuung ne mwutata pwe epwe angei ewe opposun eppet. Ewe chon uwau oppos mei tongeni, nge ese pwan menei pwe epwe fori, esinesin ngeni ewe sam me inn ika chon tumwunun ewe semirit fan iten ewe opposun eppet (ORS 109.650).

A chommong ngeni opposun eppetin COVID-19 a katou seni ekkewe pharmacist. Ekkewe pharmacists rese pwan nomw non ewe iteiten chon uwau epwe oppos ren ion epwe tongeni anisi ekkewe ierin kukkun 15 me nap seni nge esapw pwan wor angei mwumwutan meren sam me inn fan nurun ewe onnukun Oregon iei pwopun chommong ngeni ekkewe pharmacy mei menei ar repwe angei mwumwutan meren ekkewe sam me inn ika chon tumwunuw ekkewe semirit, mei tongeni pwe epwe non chok pworous ika mak non taropwe. Iwe nge, ekkeoch pharmacist mei tongeni ar repwe fori ar angang fan emwenien ewe chon wisen uwau ewe oppos mei nomw itan non iwe iteiten chon uwau fan nurun ewe ORS 109.640, iwe ren ena sokkun iwe ekkewe pharmacist resapw pwan angei mwumwutan meren ekkewe sam me inn ika chon tumwunuw ekkewe ier kukkun 15 ika nap seni ion mei pwusin mwutata pwe epwe angei ewe opposun eppetin COVID-19. Katon ach kewe [Kapas Eis Fiti Ponuwan](#)

ren pwan sopwosopwun pworous fan iten ekkewe 12 ngeni 17 ier ekkewe mei mwochen angei ewe opposun eppet.

**Touroechun esinesin:** Ren ekkewe mei ter ika ekkewe ir mei fosun ekkoch fonu esapw fosun Merika, OHA mei awora ekkei esinesin non ekkoch sokkun nikinik ren fosun fonuwom, epwe mesemong, ika usun nouch mei chuun. Kokori ewe Center ren Porousen Health won nampa 1-971-673-2411, 711 TTY ika [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us)